



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCXLII. Ioannis Papae VIII. Ad Amalfitanos. Monet vt rupto cum
Sarracenis foedere ad ecclesiae gremium reuertantur, & eam ob rem
singulis annis decem millia mancosorum, & eo anno mille ...

urn:nbn:de:hbz:466:1-15967

quos videlicet gladio poterimus spiritali persequi, & facile humiliare. Optamus sanctitatem vestram in Christo bene valere.

EPISTOLA CCXLII.
IOANNIS PAPÆ VIII.
AD AMALFITANOS.

Monet ut rupto cum Sarracenis foedere ad ecclesiam gremium reuertantur, & eam ob rem singulis annis decem millia mancosorum, & eo anno mille daturum se promittit. nisi paruerint minatur excommunicationem.

*Reuerendissimo Petro episcopo seu Pulcari præfectorio, & omnibus
sacerdotibus, ac clericis, atque uniuerso populo
Amalfitanæ ciuitatis.*

MVLT A vobis bona facere, alacrique mente tribuere saepe promisimus, decertantes, ut pactum, quod cum impia Sarracenorum gente habetis, omnimodis rumperetis, ne ex confortio gentis malignæ, ecclesia Dei per vos sic crudeliter affligeretur, & animabus vestris non solum temporale exinde discrimin, sed etiam aeternum acquireretis supplicium. Nunc autem vos, quasi filios dilectos corpore & spiritu saluare volentes, his apostolatus nostri literis monemus & hortamur uanimitatem vestram, ut relicta nunc penitus Sarracenorum societate, corruptaque foedere, quod cum eis ad perditionem animarum vestiarum, & terræ sancti Petri habetis, alaci mente, piisque deuotione, iam modo ad gremium sanctæ catholicae & apostolicae ecclesiae matris vestrae reuertamini, & ad societatem & communionem nostram redire studeatis. Et dabimus vobis nunc, & per singulos annos, sicut inter nos statutum fuit, decem millia mancosorum argenti, & isto praesenti anno damus vobis pro benedictione supra mille mancosos, & teloneum quod in portu nostro dare debetis, vobis concedimus. Quod si in tali impio scelere, diabolo suadente, amplius permanere præsumperitis, & ipsum pactum de praesenti non corruperitis, præcipimus huic episcopo nostro Dominico, ut vice nostra omni ecclesiastica vos communione priuare procuret: ipsoque reuertente,

synodi-

synodice vos iterum perpetui anathematis vinculis alligabimus: & omnium terrarum aditus, in quibus negotiari soliti estis, vobis omnino claudemus; vt illic nulla possitis exercere negotia. Sane si de aliis ciuitatibus dubitatis, quod pactum non rumpant, credimus quia nostram facient voluntatem: nam modo per vos habent excusationem. Et si aliquid de illis fuerit, quæ sicut vos, facere voluerit, vna vobiscum eius perditionem ordinabimus. Porro sciote quia Leonem presbyterum vestrum penes nos retinuimus. Data vt supra.

EPISTOLA CCXLIII.

IOANNIS PAPÆ VIII.

AD CAROLVM CRASSVM REGEM ITALIÆ.

Rogat regem, vt Hieronymum episcopatum Lausanensem pacifice retinere permittat, & Hubonem res ecclesiæ Bisuntinæ ablatas reddere iubeat.

Dilecto ac spirituali filio Carolo glorioso regi.

MAGNITUDINEM vestram ingenti nobis amore dilectam nosse volumus, quia Hieronymus sanctæ Lauzanensis ecclesiæ episcopus, apud B. Petrum apostolorum principem, nostrumque pontificum veniens, humilitatis deuotione petiit, quatenus Lausanensem ecclesiam, quam iam olim regendam suscepérat, ei deinceps vobis fauentibus habere liceret. Nos autem eius precibus moti, iuxta quod omnium ecclesiārum Dei curam habemus commissam, & quia nostra exhortatione illum vobis fidēlem in omnibus, propriumque, sicut ceteri regni vestri episcopi existunt, esse cupientes agnouimus, his apostolatus nostri literis excellentiæ vestræ suggerimus, vt eum pro amore Dei & sancti Petri & nostro, & benigne recipiatis, & iam dictum episcopatum Lausanensem, sibi diuinitus concessum, nostraque apostolica etiam auctoritate commissum, sub omni integritate recipere, habereque securiter permittatis: ne amplius eadem ecclesia contra statuta patrum sine proprio rectore consistat. Nam regulariter illum electum, & proprio archiepiscopo causa infirmitatis præbente consensum, & episcopos consecratores illius literis, quas nobis ostendit, rogante, consecratum

Concil. Tom. 24.

N n